

外科證治

S 252

3643

三



外科證治全書卷三

環峯許克昌倫聲

木未畢 法蒼霖

同輯 山陰沈宣昭問庭校字

項部證治

腦後發

失榮

癩癧

鈕扣風

項強

筋脈

頸項俗名脖項之前有缺盆缺盆之中即任脈之天突穴

為頸前居中第一行脈 缺盆之上有人迎穴喉間開

一寸五分屬胃為頸前第二行脈 人迎後一寸五分

名扶突穴屬大腸即頸前第三行脈 扶突後名天窗



穴屬小腸卽頸中第四行脈 天窗後爲膽脈頸中無

穴乃第五行脈 膽脈後名天牖穴屬三焦卽頸中第

六行脈 天牖後天柱穴屬膀胱卽頸中第七行脈

天柱後居頸之中央者督脈也 名天府自前中一行

至此爲第八行脈

缺盆 缺盆穴在橫骨上左右各一爲一十二經之道路 手陽明大腸手太陽小腸

足陽明胃足少陽膽手少陽三焦脈俱入缺盆手太陰

肺足陽明胃足少陽膽足太陽膀胱俱結缺盆

癰疽就簡

天柱疽 生項後高骨卽大椎骨也 魚尾毒 生項後髮際下

尾即偏腦疽之  
小症也左右同  
百脈疽  
初發漫腫大小數塊環遶頸項其色紅紫痛熱不食氣逆咳嗽

結喉癰  
生項前結喉之上又名猛疽以其毒氣猛烈也  
夾喉癰  
生結喉之兩旁  
俱按陽

### 癰陰疽則例治法

腦後發  
俗名對口

生項後入髮際正中因與口對故俗名對口患偏兩傍則名偏對口治當辨其紅白色紅者用五通丸醒消丸敗毒湯潰後托毒散醒消丸色白者用陽和湯十全大補湯如口乾作渴飲水不歇小便頻數或淋瀝作痛舌上燥黃如雞內金者乃腎水枯竭心火上炎此症最惡急用加減八味丸以滋補之否則不救餘按癰疽治法





五通丸

五通用

醒消丸

四通用

敗毒湯

二通用

托毒散

三通用

陽和湯

五通用

十全大補湯

二通用

加減八味丸

四通用

失榮

生於肩之上耳之前後初起腫核皮色如常日漸長大堅

硬如石推之不移按之不痛半載一年方作陰痛由憂

思恚怒痰氣凝結而成初宜服紫元丹消之每隔兩日

進一服所隔之兩日以陽和湯犀黃丸早晚輪服外敷

抑陰散如潰貼陽和解凝膏內亦以陽和湯犀黃丸輪

服日日不閒可冀收功若經久潰氣血衰弱形體瘦削



破爛紫斑滲流血水或腫泛如蓮穢氣薰人愈久愈大  
越潰越堅者俱屬敗症不治

紫元丹

通用  
五一

陽和湯

通用  
五

犀黃丸

通用  
四八

陽和凝膏

通用  
七七

抑陰散

通用  
五八

### 癰癤

小者爲癰大者爲癤生於項間初起一小核在皮裏膜外  
不覺疼痛皮色不異漸大如桃李旁增不一諸書辨其  
名類云形軟遇怒卽腫盛者名氣癰堅硬筋縮者名筋  
癰形如蛤蜊堅硬作痛作腫者名馬刀癰癰一包而生  
數十枚者名蓮子癰遠項而生者名蛇盤癰其形大小



不一連接數枚者名子母癰如黃豆結筴一般者名鎖  
項癰形小多痒者名風癰生項間延至胸腋者名瓜藤  
癰一枚上堆纍三五枚盤疊成攢者名重臺瘰癧生如  
鼠形名鼠癰又名鼠瘡纍纍如串俗名老鼠串要皆屬  
肝腎虛損氣結痰凝而成初起用子龍丸每服三分淡  
姜湯下日三次外敷烏骨膏小孩不能服丸者用小金  
丹日日敷服至愈乃止數年忌食香橙食則復發

一內潰爛或成膿未潰者或兼有未盡成膿者則用犀  
黃丸止其已潰之痛鬆其成膿未潰之脹消其未盡  
成膿之核其已成膿者用咬頭膏穿之兼服溫補祛

痰活血壯氣之劑如陽和湯加味二陳湯加味保元湯四物養榮湯皆可隨宜選用外貼陽和解凝膏一潰爛延至肩胸脇下不堪之極四五年不能愈者用洞天救苦丹三服犀黃丸六服按潰爛不斂規法服之外用荆芥根下一段剪碎煎湯溫洗良久敷雄樟散待九日後皮色變白孔內紅活接服大棗丸肌肉漸長用生肌藥收功

一有爛至咽喉飲熱湯外覺熱痛者乃危險之極稍遲則爛穿咽喉不救急取硬柴心一根量本人中指量其三指共積一薪隨其長短男左女右就手之左右



外和諸症全書 卷三 四  
卽在手下突出之骨正中骨頂之處定準一直量上盡  
頭以墨記取艾團連灸三壯膏藥掩之可保咽喉不  
穿然後按前治法

一凡潰後瘡中或有紫塊不可妄用針刺當聽其自化  
雄樟散

雄黃

樟腦 等分

右研粉麻油調頻搗患上

灸瘰癧秘法 存驗

取肩尖肘尖骨縫交接處各有一穴卽手陽明經肩  
顛曲池二穴也當以指甲掐之覺有酸麻方是各灸

七壯在左灸左在右灸右左右俱病者俱灸之

按景岳云

嘗用此法甚效

又癰癧不論已成未成已潰未潰俱宜灸之以手仰置

肩上微舉起則肘骨尖自見卽是灸處以三四十壯

爲度如患三四年不愈者辰時灸至申時三次灸卽

愈更服溫補之劑按此法乃單灸曲池以多爲貴也

然但用前法則已妙矣倘有不應者又當以此法治

之

子龍丸

通用五六

小金丹

通用五二

犀黃丸

通用四八

陽和湯

通用五

加味二陳湯

通用十八

加味保元湯

通用



二九

四物養榮湯

通用二七

洞天救苦丹

通用五三

烏骨膏

通用

十六

陽和解凝膏

通用七七

大棗丸

通用五五

咬頭膏

通用六十一又附方

瘰癧多由風熱毒邪與血氣相搏鬱結成核如貫珠於

耳項之間腫硬白色搖奪不動而有根者便是瘰癧

用藥多有不效最宜於用燈火至易至妙

燈火燹法

如瘰在左則燹左邊瘰在右則燹右邊前至頸上耳

腳下起離六分地一點一點直下乳次過脇上至肺

俞穴頸上耳後正在瘰上周圍一燹第二次照原路

空處補之便愈若只有核而搖動者不是瘰癧初起



紅腫便是癰疽不可作瘰癧治

陳遠公治瘰癧方名消串丹

白芍 一兩

白朮 一兩

柴胡 二錢

天花粉 三錢

茯苓 五錢

陳皮 一錢

附子 一片

甘草 一錢

蒲公英

二錢五分

紫背天葵

五錢

右水煎連服八劑將藥減半再服十劑而瘰癧盡化再

服一月全愈接服六君子湯以為善後之計斷不再

發此方妙在蒲公英與紫背天葵為消串之神藥然

非佐之以白芍柴胡則肝木不平非輔之以白朮茯

苓則脾土不健何以勝攻痰破塊之烈哉又得附子





之力以引羣藥直搗中堅所以能起沉痾於旦夕耳  
 又云人有久生瘰癧兩頸之間盡多潰爛胸膈之上無  
 非痰塊已有破頭欲腐者遂至身體寒熱肌肉消瘦  
 飲食少思盜汗自汗驚悸恍惚此等症原係難治然  
 治之有法尙可救也大約瘰癧初起以解鬱爲先而  
 佐以補虛以消其毒倘執尋常法祛痰敗毒爲事鮮  
 不速斃者方用轉敗散

轉敗散

人參 二兩

柴胡 二錢

白芍 三錢

銀花 三兩

當歸 二兩

半夏 五錢

白朮 一兩

生甘草 三錢



水煎服四劑胸間之痰塊盡消再服四劑頸上潰爛亦愈將前方減半再服十劑瘡口悉平再不發也

內消瘰癧應驗方

土貝母

白芷 各五錢

共爲細末糖霜調陳酒下三錢重者三服愈

又方

用鼠屎兩頭尖者爲雄圓者爲雌揀開各晒乾研末男用雌女用雄將雞子一箇頂上打一小洞傾去白但存黃入鼠屎在內以滿爲度攪勻用皮紙封固洞口飯上蒸熟去殼臨卧時搓碎火酒送下隔一日再



服雖遠年破爛者不過三四次即愈未破者即消

### 鈕扣風

生於頸下天突穴之間由汗出之後邪風襲於皮膚起如粟米搔痒無度抓破津水誤用水洗浸淫成片輕者用芥菜花一味細末醋調敷之最妙或樟硫散熟猪脂調搽亦妙甚者須兼服消風散

### 消風散

荆芥

防風

蒼朮

當歸

薄荷

蟬退

石膏

木通

牛蒡子

各一錢五分

生地

三錢

甘草

七分



水煎食遠服

樟硫散

硫黃 一錢

樟腦

川椒紅

生白礬

各錢

研末用白蘿蔔一箇掏空將藥填滿以蘿蔔蓋之紙包三四層灰火內煨半時許俟冷取出同熟猪油調稠搽患上

項強 俗名落枕

頸項強急轉移不便乃膀胱經感風寒濕氣所致或閃促亦令項強用硼砂研細以骨簪蘸津挑硼砂點兩目內淚出稍鬆連點三次立時即愈





